

台湾文献史料出版工程

□ 总主编 陈云林

□ 厦门大学 海峡两岸出版交流中心

民间遗存台湾文献选编

□ 第十一册

□ 九州出版社

台湾文献史料出版工程

总主编 陈云林

□ 厦门大学 海峡两岸出版交流中心

民间遗存台湾文献选编

□ 第十一册

□ 九州出版社

【第十一册目录】

原署朱子删定、玉泉真本《桃园明圣经》

《桃园明圣经》（下）

〇〇一

洪学洙著《洪氏锦囊》

《洪氏锦囊》

〇一九

宜兰碧霞宫收藏印行《岳武穆王治世金针》

《岳武穆王治世金针》（第一册）

一一〇

《岳武穆王治世金针》（第二册）上

二九一

原署朱子刪定、玉泉真本《桃園明聖經》

《桃園明聖經》（下）

可狂言褻聖明。

力學第三

吾^帝素覽春秋。幼觀孔孟。唯以孝弟為先。修身治國為本。異端蜂起。兵戈傷殘。民命十餘年。甲不離身。刀無潔淨。夜無穩睡。三更日不飽餐。一頓東戰西征。百戰而江山纔定。白了鬚鬢星星。力倦馬羸。刀鈍。費盡赤膽忠心。換得箇封侯金印。到如今。亂臣賊子。捕風捉影。奸貪讒佞。結黨欺良。言無一定。不思禮義廉恥。孝弟忠信。事每胡行。屢圖僥倖。篡君位。戮忠臣。好貨財。淫美色。殺人縱性。只顧爽心樂事。豈曉得後來報應。古今好事多磨。毋勉強苟求捷徑。如彩雲琉璃。鮮花明月。人不知機。如鋼刀快

缺。妄動橫行。造下了些冤孽。遠則幾年。近則數月。報應無差。法難漏洩。如人未遭逢。各有時節。當思守命由天。安貧樂業。如百藝倉卒成功。其物焉能精潔。草木不能培植。難長許多枝葉。五穀少用耕鋤。苗雖秀而不實。文臣十載寒窗。方朝金闕。武將百戰臨危。始得公侯並列。吾^帝乃日月精忠。乾坤大節。天崩我崩。地裂我裂。

道貌第四

又奉

上帝加御敕。掌握凡間善惡人。萬國九州皆敬服。道吾^帝忠義獨稱尊。塑形畫像乾坤內。如我^帝英雄有幾人。火龍燒赤兔。水獸鍊青鋒。卧蠶眉八字。丹鳳目。

雙睛。五龍鬚擺尾。一虎額搖身。精忠沖日月。義氣貫乾坤。韜略期孫臏。機謀勝范增。鬚長義更長。面赤心尤赤。英雄氣蓋世。燭殘刀破壁。封庫印懸樑。爵祿辭不受。偃月刀磨仍快。嘆兄弟不再。卧蠶眉。鎖未開。恨江山幾改。亙古功名難比並。三天門下封元帥。稽首頓首。

上帝敕令各部將帥。經傳下界。鈔錄諷誦如在。人能遵行。繫玉腰金。官居千載。能全一事。崢嶸三代。欽承

法旨。會集 諸神施行。

節訓第五

著忠良。竭力匡衡。孝順無改。廉潔不亂心田。節義

臨危不敗。忠孝廉節之章聽解。

君使臣以禮。臣事君以忠。日用朝廷祿。當思補報功。報國臣之本。惜卒將之宏。不飾文臣過。不滅武將功。紀錄文華殿。舉劾建章宮。丹心如赤日。位必至三公。秦檜世為犬。武穆岳飛四帥中。

為人子。孝為先。孝順兩字緊相聯。勿使惱怒常使歡。煖衣飽食毋饑寒。病醫葯。必自煎。即須嘗過獻親前。夜不解衣朝不食。時時刻刻在身邊。爾能孝順爾子孝。點點滴滴看簷前。大舜孝。帝位傳。二十四孝極周全。在生不供奉。死後祭靈前。不孝子。惹災愆。虎哈蛇咬病相纏。官刑牢獄遭充配。水火之災實可憐。或是懸樑刀毒死。不孝之人苦萬千。速

速改。莫遲延。世人孰無過。改之為聖賢。人無過。篤行全。

廉生畏。潔生嚴。細檢點。避嫌疑。希賢希聖由天命。學禮學詩聽自然。卻周粟。隱山川。為人似玉無瑕玷。立志如同鐵石堅。守己祿。莫徇偏。損人利己子孫冤。廉者不受嗟來食。志士不飲盜之泉。辭俸原憲潔。畏金楊震廉。坐懷不亂柳下惠。閉戶無容魯仲連。鮑食怎如糟李美。瓜祭何勝菜羹甜。俸祿止堪供禮儀。舉家食費僅盤桓。百箒抬回失節物。滿箱裝裏昧心錢。笞杖徒流誰不怕。勸爾抬頭看上天。縱容男僕如狼虎。謀占軍民地與田。勢敗運衰參訐告。拔塚平房冤報冤。婦男窮極為娼盜。恨殺

當初惡要錢。

人之節。如竹又如月。廣大與高明。圓容更清潔。一生直不彎。挺挺欺霜雪。一勁參天秀。舞風弄明月。娥英泣竹林。點點斑斑皆血。即如蘇武杖。數有十二節。李陵污其奸。蘇武敬其烈。仲升使西域。三十六國卻。節義全。神聖悅。或掌天曹事。或補城隍缺。或生公與侯。富貴千年業。亂臣並賊子。每把忠良滅。一見虛歡喜。心口各相別。心藏丈八矛。意存三尺鐵。舌下有龍泉。殺人不見血。貪酷剋奸讓。自殞兒孫絕。吾^帝未喫長齋。吾^帝不信異說。地獄即城隍。三寶光日月。救濟急難人。就是解冤結。此四節。忠孝廉節。詳明甚切。後列二十四劫。擎天頂地。猛勇神。捧

日舉月普照神。列宿張星。明朗神。移星換斗。剝量神。騰雲駕霧。飛度神。驅雷掣電。威烈神。呼風喚雨。擾攘神。綴露殞霜。溥沛星。飛砂走石。截路神。翻江搗海。五湖神。崩山頽嶺。鐵甲神。凍水開冰。結化星。焚炎逐火。流光星。開花結果。嬌媚星。長禾秀穀。益惠星。抽芽綻葉。發育星。枯木涸澤。推竭神。走獸飛禽。捕捉星。魚蝦蟹鼈。踴躍星。飛跳諸蟲。纏擾星。作文制字。文昌星。興兵布陣。武曲星。考正歲時。測運星。造作工藝。巧作神。衆星聽令。各回本部。變化發生。稽首神明。無極衆聖。不可思議功德。

經驗第六

值年值月將。值日值時神。夜差黑煞帥。日令皎潔

兵往來細鑒察。不得漏毫分。會同家宅鬼神。著令司命君。如有虔誦男和女。速速報知聞。家宅供此經。妖魅化為塵。船舟奉此經。風波即刻平。行人佩此經。路途保安寧。書生看此經。不久步青雲。婦人誦此經。二女五男成。若為亡化念。亡化早起生。若為父母念。父母享遐齡。焚香高誦念。其福即來臨。日念三五遍。或誦百千聲。人能鈔印送。諸疾不相侵。諸神皆歡喜。宅舍並光明。或賜福與壽。或蔭兒與孫。凶事化為吉。福祿壽重增。

斗口王天君。欽奉

漢室漢壽亭侯。

關聖大帝敕令。

大帝曰。吾^帝曾言日在天上。心在人中。心者萬事之根本。儒家五常。道釋三寶。皆從心上生來。仁莫大於忠孝。義莫大於廉節。二者五常之首。聖人參贊化育者。此而已。仙佛超神入化者。此而已。自有天地以來。這箇無極太極之理。渾然包羅。古今長懸。諸帝王聖賢仙佛。萬經千典。只是明此理。成此事而已。吾^帝係紫微垣中。火之正氣。火。離明象也。故主文昌。火。又烈性也。故主武曲。文主仁。仁首忠孝。武主義。義首廉節。惟是舉天下萬世皆為聖賢仙佛。此有晝無夜。有陽無陰。絕無之理也。自戰國以來。吾^帝出世匡君救民。不得已以公善之心望世。此桃園經之所

以現身說法也。奈何世之人真性不密。邪僻用心。見吾^帝平常之言。不曰聖人不出此驕矜語。則曰聖人不出此淺近語。嗚呼。是必欲吾^帝重作五經。待世之智愚賢不肖。皆盡讀之乎。不獨此也。現在身列文儒。亦妄行指駁。吾^帝因周子。凜凜持誦多年。只得註解明白。如再有擅行詆毀者。輕則令瘟火滅之。重則命周倉^{將軍}斬之。毋悔。

明聖經。本係夢與玉泉寺僧。僧醒而傳述。首句漢漢。上一漢字。乃代名。即大漢也。漢壽亭。係地名也。其先囑咐人人誦此經者。是以效驗歆動人心也。中言精忠沖日月。義氣貫乾坤。即孟子所謂塞乎天地也。曰面赤鬚長者。即大學所謂心廣體胖。孟

子所謂睥面盜背也。至投胎轉劫之說。儒者不言。三八不知釋道兩門。並非無據。試歷查古今。借尸還魂。靈殼轉寄。異物入胎。豈少也哉。吾^帝言在列國。在漢。與在唐宋之言。實非誑也。諸君試對核之。再四章言忠。文武臣僚。皆當敬體。則是三代以上之臣也。夔龍伊皋。其人也。言孝。則曰不解衣不食。則侍膳寢門。文王。其人也。滴水還源。孫又效子。則子孫保之。大舜。其人也。說到二十四孝。古今昭如日月。格天地。動鬼神。豈非確然可據者哉。廉在周禮。以六計為定。實從義字中生。故為愚昧者痛斥。而廉泉盜水。舉一二而已括之也。節如竹。竹有筠也。如月。月有度也。非筠則溷。非度則昏。古今大節不踰者。

於義殆盡。後遣諸神鑒察。以使速應。吾亦大費婆心。以我帝為驕。我帝固不辭。以我帝為淺。我帝亦不辭。但願人人從此驕言淺言做去。一一果自信於心中。然後探元妙之理。入上聖之班。吾帝亦不怪。而且快然也。將此語著

靈官天君傳世知之。為此述告周宰人等。一心體此。以心印心。心在人中。日在天上。欽哉勿忽。至明此聖經止誦

明聖經註證

王天君曰。張仙非唐之張公名巡。乃黃帝錫以弧矢為張之張仙也。

大帝目空一切。固是天性。故云徒上智者無決斷。徒運籌者欠經綸。以啟下文之意。必賴文星武候孔明

也。再二十四位神將。乃
大帝所遣。如有誠心。呼之即來。聽
法師之命。並將
此諭。傳與周宰君。及與事人等知之。二月十五日。
王天君奉
大帝命。特誥。